

A BYSSINOR VM IMPER. 3

TERRA hæc amplissima, quam nostri vulgò Presbyteri Ioannis vocant, sub Aequinoctiali vt plurimum sita est, atque vt ex ijs qui nostro æuo ipsam perlustrarunt, intelligimus, in vniuersum fertilissima est. Nam etsi frumentum parcè mittat, nihilominus hordeum, milium, zaburum, ciceres, fabam, aliaque legumina abundantissimè profert, quorum nonnulla nobis ignota sunt. Saccharum etiam in arundinibus magnam copiam producit, sed coquere illud ac deputare nesciunt. Vites isthic multæ sunt, ac vinum conficere non licet, nisi in Regis aula, atque etiam in domo totius regionis Patriarchæ, quem Abunam appellare solent. Mala medica, citria, & limones ad abundantiam hic sponte proueniunt. melones autem, rapas, & oleas non fert regio: oleum tamen conficitur hic ex fructu quodam Geuaincolis vocato. Mellis porro immensa est copia: nam apes in ipsis etiam hominum habitationibus nutriuntur, vnde ceteræ tantam conficiunt copiam, quæ toti regioni ad candelas conficiendas sufficit, at absque seui vsu. linum habet etiam hæc regio, sed incolæ artem ex ipso telas conficiendi ignorant, atque vt plurimum pannos suos ex gossipio sibi parant, cuius hic magnus est proventus. Habet præterea regio hæc omnis ferè generis animalia & aues, vt sunt boues, pecora, capræ, asini, cameli, equi. deinde elephantes, leones, tygrides, lynces, taxi, & cerui, vrsi tamen, cuniculi, & cardueles isthic non videntur. Hoc autem in signi incommodo regio hæc laborat, quod locustarum innumerabilem incredibilem producat copiam, quæ sua multitudine ærem ipsum obfuscantes, nunc hanc nunc aliam prouinciam vastant: omnem etenim segetem, messem, & arborum folia ac cortices deuorant ac depascuntur. Metalla etiam omnia ac mineralia abundè producit, sed gentes hæc artificia omnia quæ ad mineras expurgandas requiruntur, prorsus ignorant. Fiunt isthic duæ æstates & duo hyemes, quæ non à frigore, aut caliditate percipiuntur, sed à pluuiarum copia & à serenitate. Duo autem memorabiles amnes per Aethiopiã discurrunt, nempe Abanhi, qui est Astapus Ptol. & Taccasis qui Ptol. est Astaboras, in quem complures alij amnes confluunt. Fons Abanhi est Barcenæ lacus amplissimus sub Aequinoctiali iacens, in quo plures sunt insulæ monachorum monasteria continentes. Hic lacus est Celoe palus Ptolemæi.

Incolæ nigri sunt, viles, ac omnis doctrinarum generis ferè ignari, medicinæ nullum habentes vsum. horum vestitus ex animalium pellibus, & ex pannis præfertim gossipinis constat. domus habent humiles ac viles sub rotundâ forma, ex creta & stramine confectas, in quarum inferiore parte tantum habitât, apertis tamen semper ianuis, sed nemo alterius domum ingredi valet. nullis nec mappis nec mensis vtuntur: comedentes autem, sedent humi, vel super tapetis vel super alijs pannis. Sunt inter eos qui vaceinas carnes crudas ac recentes comedât. Nullus apud eos est monetæ vsus, sed eius loco aurû purû infectumq; penditur. rerum commutationibus vtuntur, in quibus sal & piper maximo sunt vsui. Venatio & piscatio hic languent, pauci que inter eos sunt artifices. Christi cultum obseruant, sed diuersum à nobis: nam circumciduntur omnes etiam fœminæ, atque etiam in nomine Patris, & Filij, & Spiritus Sancti post 40. dies ab eorum Natali baptizantur. Iterant Baptismum quotannis, in die Epiphaniæ Domini, omnibus baptizatis eodem momento Sacra Eucharistia ministratur. In templis suis more nostro campanas quidem habent, sed plerumque saxæas. Missam celebrant; sed sacerdotes omnes ac presbyteri matrimonium contrahunt: Monachi verò non, quorum hic ingens est numerus, & infinita monasteria vtriusque sexus. Sed in virorum monasteria, neque mulier neq; animal vllum fœminei sexus intrât. Monachi ieiunium strictissimè obseruant ad 50 dies: alij aqua & pane tantum, alij herbis tantummodo sustentantur: alij verò toto hoc tempore sub aqua manent vsque ad mentum. Hi monachi comam nutriunt sunt etiam Laici, qui barbam abradunt, ac crucem collo suspensam gestant. Presbyteri verò abradunt caput, & barbam nutriunt, crucemque in manibus ad laicorum differentiam ferût Plebei duas, interdum etiam plures absque periculo vxores ducunt: diortia tamen facere possunt. In summa apud Abyssinos est veneratio D. Thomas cognom. Didymus.

Cæterum hunc Abyssinorum Imperatorum ex antiquissimo stemmate ortum ducere

tradunt,



**ABYSSINORVM
SIVE
MAGNI REGIS
DAVIDIS, QVEM
vulgo Presbyterum Ioan
nem vocant,
IMPERIUM**

Coloniae, formulis Ioanis
Bussmachers. Anno 1600.

**PRIESTER IOANS
TITEL**

David der große König, den
Gott lobt hat, ein seil der Abissis,
geboren aus dem stämmen Juda,
ein seil David, ein seil Sionoms, et
seil der seilen zu Zion, ein seil
des sameris Jacob, ein seil von der
lant. Marie, und ein irlicher O
N. Köpfer der werten und hohe
lande in Ethiopia, dem viel kö
nigreich Lande, und Gebiete in
der werten: der König zu Na-
zu Cessaca, zu Factyan, zu Sego-
te, zu Dara, zu Danteganz, zu
Adea, zu Vaugu, zu Gogane, zu
Anara, zu Bagmedre, zu An-
bea, zu Layne, zu Tigrmahon,
zu Sabam, zu Barnagasse, und
für his gen. Abissia, samt viel
dem grafen und Heine herrschafft.

tradunt, hoc est, à Dauide Rege & Propheta, stirpe vnus gentis in tot ætates propagata. Hic verò Princeps veteri instituto nullam habet determinatam stationem, vbi continuò resideat, sed modò ad hanc modò ad illam & aliam partem proficiscitur, sub tentorijs degendo, quorum circiter sex millia secum defert: vnde tota eius aula circiter 10. aut 12. miliaria minora complectitur. Immenfam habet auri & argenti copiam: supellectilia innumera, atque alias diuitias incomparabiles, quas vt plurimum in montium cauernis conseruat. Aiunt ipsum non atro colore esse, vt reliqui ferè Aethiopes, sed candido: atque 1000000. hominum ad bellum instruere, ac insuper quingentos elephantos, & equorum camelorumque ingentem numerum. Non sunt in hoc toto Imperio vrbes aut oppida celebria: maximæ enim habitationes vltra duo familiarum millia non habent. Sola templa & Regiæ domus ex lapidibus & calce constant, reliquis creta & stramine ædificijs constructis. In titulo suo Regem se vocat superioris ac minoris Aethiopiæ, Goz, Caffares, Fatigar, Angolæ, Barn, Baligua-
zz, Adez, Vanguz, Goyamæ, vbi Nili fontes, Amaræ, Barnagassi, &c. &
Dominus vsque in Nubiam, quæ in Aegyptum
extenditur.

